

KANTON SARAJEVO
MINISTARSTVO KULTURE I SPORTA
JAVNA USTANOVA „COLLEGIUM ARTISTICUM”
UPRAVNI ODBOR

P R A V I L N I K
O IZMJENAMA I DOPUNAMA PRAVILNIKA O R A D U
JAVNE USTANOVE „COLLEGIUM ARTISTICUM”

Novembar, 2024. godine

Na osnovu čl. 27. stav (1) alineja 6. i 37. stav (2) Zakona o ustanovama („Službeni list RBiH“ br. 6/92, 8/93 i 13/94), člana 118. Zakona o radu („Službene novine Federacije BiH“ br. 26/16, 89/18 i 44/22), člana 23. Uredbe o postupku prijema u radni odnosu javnom sektoru na teritoriji Kantona Sarajevo („Službene novine Kantona Sarajevo“, br. 19/21 i 10/22), čl. 1. i 2. Odluke o Registru zaposlenih u javnom sektoru na području Kantona Sarajevo („Službene novine Kantona Sarajevo“, broj: 9/19), člana 179. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, br. 10/23 i 12/24) i člana 38 tačka f) Pravila Javne ustanove „Collegium artisticum“ (broj: 01-17-1/21 od 24.03.2021.godine i broj: 01-17-1/21 od 01.07.2021.godine), a nakon obavljenih konsultacija sa Sindikalnom organizacijom, Upravni odbor Javne ustanove „Collegium artisticum“ na 47. sjednici održanoj 28.11.2024. godine, je donio

PRAVILNIK O IZMJENAMA I DOPUNAMA PRAVILNIKA O RADU

Član 1. (Izmjena člana 97.)

U Pravilniku o radu Javne ustanove „Collegium artisticum“, broj: 02-01-182-2/23 od 10.04.2023. godine (u daljem tekstu: Pravilnik) u članu 97. (Plaća i naknade plaće) stav (8) iza riječi: „odgovornosti“, dodaju se riječi: „godina radnog staža“.

Član 2. (Izmjena člana 103.)

U članu 103. (Najniža plaća) Pravilnika dodaje se stav (4) koji glasi:

”(4) Ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 10%.”

Član 3. (Izmjena člana 118.)

Član 118. (Otpremina za odlazak u penziju) stav (1) Pravilnika mijenja se i glasi:

”(1) Radnik ima pravo na otpremninu prilikom odlaska u penziju u iznosu od šest njegovih plaća u prethodnih šest mjeseci ili šest prosječnih mjesečnih plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, ako je to za njega povoljnije.”

Član 4. (Poništenje pravilnika)

Poništava se Pravilnik o radu Javne ustanove „Collegium artisticum“, broj: 02-373-2/24 od 26.06.2024. godine i Pravilnik o izmjenama i dopunama pravilnika o radu broj: 02-466-2/24 od 14.08.2024. godine.


Član 5.
(Stupanje na snagu)

Ovaj Pravilnik stupa na snagu danom dobijanja Mišljenja Ministarstva kulture i sporta Kantona Sarajevo, a objavit će se u „Službenim novinama Kantona Sarajevo”, na oglasnoj ploči i web stranici Javne ustanove „Collegium artisticum“.



Predsjednik Upravnog odbora
Javne ustanove „Collegium artisticum“

Alma Hadžić



Broj:02-633-2/24
Sarajevo, 28.11.2024.

Broj: 04-2-634-2/24
Sarajevo, 28. novembar 2024.

Na osnovu člana 38. Pravila Javne ustanove "Collegium artisticum", Sarajevo, Upravni odbor Javne ustanove „Collegium artisticum” na 47. sjednici održanoj 28.11.2024. godine donio je

ODLUKU
o usvajanju Pravilnika o izmjenama i dopunama Pravilnika o radu Javne ustanove
“Collegium artisticum”

I

Upravni odbor Javne ustanove "Collegium artisticum" donosi Odluku o usvajanju Pravilnika o izmjenama i dopunama Pravilnika o radu Javne ustanove "Collegium artisticum" broj: 02-633-2/24 od 28.11.2024. godine.

II

Donošenjem ove odluke stavljaju se van snage Odluke Upravnog odbora broj: 04-2-374-2/24 od 26.06.2024. godine i broj: 04-2-467-2/24 od 14.08.2024. godine.

III

Pravilnik o izmjenama i dopunama Pravilnika o radu Javne ustanove "Collegium artisticum", broj: 02-633-2/24 od 28.11.2024. godine dostavlja se Ministarstvu kulture i sporta Kantona Sarajevo radi dobijanja mišljenja.

IV

Ova odluka stupa na snagu danom donošenja.


OBRAZLOŽENJE

U skladu sa članom 123. važećeg Pravilnika o radu JU "Collegium artisticum" (broj: 02-01-182-2/23 od 10.04.2023. godine) i članom 5. stav (3) Kolektivnog ugovora o izmjenama Kolektivnog ugovora za djelatnosti kulture u Kantonu Sarajevo, („Službene novine Kantona Sarajevo”, broj 12/24) izvršene su izmjene i dopune Pravilnika o radu Javne ustanove "Collegium artisticum". Pravilnik o izmjenama i dopunama Pravilnika o radu Javne ustanove "Collegium artisticum", broj: 02-633-2/24 od 28.11.2024. godine dostavlja se Ministarstvu kulture i sporta Kantona Sarajevo na daljnje postupanje.

Dosataviti:
-Ministarstvu kulture i sporta KS;
-a/a


Predsjednica Upravnog odbora
JU Collegium artisticum

Alma Hadžić





Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports



Broj: 12/04-30-52625-1/24

Sarajevo, 04.12.2024. godine

U skladu sa članom 16. Zakona o ministarstvima i drugim organima uprave Kantona Sarajevo („Službene novine Kantona Sarajevo”, broj 40/22) i članom 42. Zakona o ustanovama („Službeni list RBiH“, br. 6/92, 8/93 i 13/94), a u vezi člana 118. Zakona o radu („Službene novine Federacije BiH“, br. 26/16, 89/18, 44/22 i 39/24) na zahtjev Javne ustanove „Collegium artisticum” Sarajevo, broj: 04-1-643-2/24 od 02.12.2024.godine, Ministarstvo kulture i sporta Kantona Sarajevo razmotrilo je Pravilnik o izmjenama i dopunama Pravilnika o radu Javne ustanove „Collegium artisticum” Sarajevo, broj: 02-633-2/24 od 28.11.2024.godine i daje slijedeće

MIŠLJENJE

Pravilnik o izmjenama i dopunama Pravilnika o radu Javne ustanove „Collegium artisticum” Sarajevo, broj: 02-633-2/24 od 28.11.2024. godine usklađen je sa odredbama Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, br. 10/23 i 12/24).

MINISTAR

Dostaviti :

1. Javna ustanova „Collegium artisticum” Sarajevo, ul. Terezije bb,
2. a/a.

